

23 OCT 1998

BAYARAN CUKAI DITERUSKAN PADA 1999

KUALA LUMPUR, 23 Okt (Bernama) -- Lembaga Hasil Dalam Negeri (LHDN) akan terus membuat potongan cukai pendapatan pada tahun depan walaupun kerajaan mengumumkan untuk mengecualikan cukai itu bagi tahun 1999.

Penolong Pengarah Perhubungan Awam LHDN, Rozina Merican ketika dihubungi berkata, potongan cukai secara bulanan itu diteruskan tahun depan bagi semua pendapatan yang diterima tahun ini.

Cukai pendapatan dikenakan kepada rakyat setahun kemudian daripada tahun menerima pendapatan. Ini bermakna bayaran cukai pada 1999 adalah untuk pendapatan bagi tahun 1998.

Katanya, mulai tahun 2000, kutipan cukai akan dilakukan pada tahun yang sama pendapatan diperolehi.

Sehubungan itu bayaran cukai pada tahun 2000 adalah bagi pendapatan pada tahun yang sama.

Katanya, LHDN akan terus membuat pengumuman menerusi media bagi menjelaskan kekeliruan barhubung pengecualian cukai 1999 itu kepada orang ramai.

LHDN membuka talian khas mulai pukul 7.30 petang hingga 10 malam ini bagi melayani pertanyaan orang ramai berkaitan cukai pendapatan berikutan pengumuman kerajaan sempena belanjawan 1999 yang dibentang Perdana Menteri Datuk Seri Dr Mahathir Mohamad hari ini.

-- BERNAMA

RZS AKD